

ВОДИЙ ЖАВОҲИРИ – ФАРҒОНА ҲАР ЖАБҲАДА НАМУНА БЎЛМОҚДА

Президент Шавкат Мирзиёев 2 февраль куни Фарғона вилоятида бўлиб, ҳудудлардаги амалга оширилаётган йирик лойиҳалар, аҳоли ҳаёти билан яқиндан танишди.



Халқимиз фаровонлигини ошириш, бандлигини таъминлаш, иқтисодий ривожда йирик лойиҳалар муҳим аҳамиятга эга. Шу боис, ҳар бир шаҳар ва тумanning салоҳиятидан келиб чиққан ҳолда истиқболли режалар ҳаётга татбиқ этилмоқда. Давлатимиз раҳбари 2022 йил май ойида вилоятга ташрифи чоғида "Global textile infinity" кластерининг ишлаб чиқариш лойиҳаси билан танишган эди. Ушандаги кўрсатмалар асосида лойиҳа жадаллаштирилиб, декабрда ишга туширилди. Бу ерда пахта етиштириш ва уни қайта ишлашнинг тўлиқ жараёни йўлга қўйилган. 132 миллион евро эвазига катта фабрика ташкил этилиб,

Швейцариянинг "Rieter Machine Works" ускуналари ўрнатилган. Корхона йилига 18 миллион метр аралаш мато ҳамда 10 миллион дона тайёр маҳсулот ишлаб чиқариш қувватига эга. Европа давлатлари ва Хитойга 85 миллион евролик маҳсулот экспорт қилиш режалаштирилган. Бунинг учун корхонада сифат лабораторияси ташкил этилган. Президент тайёр маҳсулотлар турини кўпайтириш, таникли брендлар билан ҳамкорлик ўрнатиш зарурлигини таъкидлади. Яна бир муҳим жиҳати, ишлаб чиқаришда энергия тежамкор технологиялар қўлланилмоқда. Иншоотнинг том қисмига кўёш панеллари ўрнатилмоқда. Буларнинг натижасида қарийб 23 фоизгача энергия самарадорлигига эришиш мумкин.

Хозирги биринчи босқичда корхонада 1 минг 500 нафар киши ишламоқда. Жорий йил март ойида фабрикада тўқима мато ишлаб чиқариш бошланади. Шунингдек, Учқўприк туманида ип-калава ва мато тайёрлаш ҳамда пахта-ни қайта ишлаш корхоналари ташкил этилмоқда. Шунда кластердаги жами иш ўрни қарийб 5 мингга етади. Бу ерда ўқув ва касаначилик маркази ҳам очилган. Унда корхона учун зарур 4 та йўналишда мутахассислар тайёрланмоқда. Ушбу кластер мажмуасида водий вилоятларида пахта-тўқимачилик саноатини ривожлантириш масалалари бўйича йиғилиш ўтказилди. Утган олти йилда бу вилоятларда 35 та кластер ташкил этилиб, 670 миллион долларлик 150 дан ортиқ йирик лойиҳа ишга туширилган.

Маълумки, шу йил 26 январда пахтачилик кластерлари фаолиятини янада кўллаб-қувватлашга оид Президент қарори қабул қилинди. Унга кўра, кластерлар пахта етиштиришга ўғит, уруғ, ёқилғи учун имтиёзли кредитларни исталган вақтда олиш имконига эга бўлди. Уларга ғўза навларини мустақил жойлаштириш, четдан ҳосилдор навларни селекция учун олиб келишга рухсат берилди. Шунингдек, лазерли текислагичларни сотиб олишда улар қийматининг 30 фоизи бюджетдан қўллаб берилди. Ишлаб чиқаришни илм билан боғлаш мақсадида ҳар бир кластерга пахтачилик илмий ташкилотлари ва агрохизмат марказлари бириктирилди. Йиғилишда мазкур чора-тадбирларнинг амалий жиҳатларига тўхталиб ўтилди. Пахта ҳосилдорлигини ошириш, ип-калавани чўқур қайта ишлаб, тайёр маҳсулотларни кўпайтириш бўйича кўрсатмалар берилди. Водийнинг 23 та туманида "хомашё" — тайёр маҳсулот — экспорт" занжири асосида тўқимачилик саноатини чўқур ривожлантириш учун барча имконият ва шароитлар бор. Шу боис, мазкур 3 та вилоятда тўқимачилик маҳсулотлари экспортини жорий йилда 2,5 миллиард долларга етказиш имконияти борлиги таъкидланди. Иқтисодий тarmoқларидаги бугунги тенденцияга ҳамроҳан, кластерлар ҳам энергия истеъмолнинг бир қисмини муқобил манбаларга ўтказиши зарурлиги қайд этилди. Президент Қувасой шахридаги "Ag soft ceramics" корхонасида бўлди. Утган йил декабрда иш бошлаган корхона йилига қарийб 3 миллион квадрат метр керамигранит маҳсулотлар тайёрлаш қувватига эга. Айни пайтда бу ерда 350 нафар ишчи ва мутахассис меҳнат қилмоқда. Маҳаллийлаштириш даражаси 100 фоиз бўлгани боис, товарлар хорижийликдан анча арзон нархларда бозорга чиқарилмоқда. Шунингдек, уларнинг 35 фоизи Россия, Қирғизистон ва Тожикистонга экспорт қилиниши режалаштирилган. Давлатимиз раҳбари корхонада ва умуман, Қувасой шахрида экспорт

кўрсаткичларини ошириш муҳимлигини таъкидлади. Бунинг учун чет элдаги саноат зоналари билан ҳамкорлик ўрнатиш, иш ўринларини кўпайтириш бўйича кўрсатмалар берилди. Тиббиётда хусусий секторга имконият берилгани рақобат ва сифатни оширишда муҳим омил бўлмоқда. Фарғона вилоятида бундай муассасалар 720 тага етди. Улардан бири Фарғона шахридаги "Meridian" тиббиёт марказидир. Президент Шавкат Мирзиёев бу ерда яратилган шароитлар билан танишди. 2021 йил декабрда фойдаланишга топширилган клиника замонавий ташхис ва даволаш хизматларини кўрсатиб келмоқда. Бунинг учун Германия, Жанубий Корея, Япония ва Хитойдан замонавий ускуналар келтирилган. Шифохона 120 та стационар ўринга, йилига 2 мингта жароҳатли амалиётини ўтказиш қувватига эга. Эътиборлиси, утган йили тиббиёт маркази хузурида университет ҳам очилди. Хозир 600 нафар талаба ўқишмоқда, уларга чет эллик ўқитувчилар сабоқ бераётир. Талабалар тиббиёт марказида амалиёт ўтайди. Шу тариқа бу муассаса замонавий клиникалар, ташхис марказлари, лабораториялар ва университетни ўзида бирлаштирган тиббиёт кластерига айланди. Давлатимиз раҳбари шифокорлар билан суҳбатлашди. — Хусусий тиббиётга шароит яратганимиз ўзини оқлади, бунинг аҳоли қабул қилди. Чунки одамларимиз яхши яшашга интиляпти, ўз соғлиғига қараяпти. Аҳоли даромадини ошириш бўйича қилаётган ҳамма ҳаракатларимиз аслида шунинг учун — халқимизнинг соғлом ва фаровон яшаш учун, — деди Шавкат Мирзиёев. Клиниканинг интервенцион кардиология, кардиохирургия, трансплантология, радиологияни йўлга қўйиш бора-бораги лойиҳалари ҳақида маълумот берилди. Президент Шавкат Мирзиёев Марғилон шахридаги "Олтин ипак карвонасарой" туристик марказини бориб кўрди.

Бу ерга келган киши қадим ўзбек хонадонларидаги муҳитни ҳис этади. Мажмуанинг биринчи қаватида гиламдўзлик, каштачилик, мисгарлик каби халқ ҳунармандчилиги хоналари жойлашган. Уларда сайёҳлар миллий маҳсулотларимизнинг тайёрланиш жараёнини яқиндан кўриши, харид қилиши мумкин. Иккинчи қаватда жами 30 ўринли қадимий услубдаги карвонасарой ташкил этилган. Истиқболда мажмуа бир йилда 10 мингдан ортиқ сайёҳларга хизмат кўрсатиши мўлжалланган. Давлатимиз раҳбари миллий ўзлгимизга ва ёшлар тарбиясига эътибори учун ҳунармандларга миннатдорлик билдирди. — Ҳозирги юксак технологиялар асрида мана шундай оддий, самимий жойларни одам соғинади, — деди Шавкат Мирзиёев. — Бу ҳунарларни, бу маданиятни бобо-момоларимиз фақат қўли билан эмас, қалб қўри билан яратган. Бир пайтлар бу йўналишлар йўқолиб кетишига оз қолганди. Уларни асраб-авайлаётганингиз учун раҳмат. Бу маданиятимизни нафақат чет элликларга тарғиб қилиш, балки фарзандларимизга ҳам синдириш керак. Президент усталарнинг миллий ҳунарларни мактабларда ўргатиш таклифини қўллаб-қувватлади. Мутасаддиларга туризм салоҳиятини ошириш, уни тарғиб этишда кино санъатидан оқилона фойдаланиш бўйича тавсиялар берилди. Утган йили Марғилон шахрига "Жаҳон ипак ва икат ҳунармандлари шаҳри" мақоми берилган эди. Бундай мақомга Бухоро зардўзлик, Қўқон ёғоч ўймакорлиги бўйича сазовор бўлган. Шу билан Президент Шавкат Мирзиёевнинг Фарғона вилоятига ташрифи якунланди.

Зиёдулла ЖОНИБЕКОВ, Икром АВВАЛБОВЕВ, Маъсуджон СУЛАЙМОНОВ, ЎЗА мухбирлари

Ўзбекистон Республикаси Президенти Матбуот хизмати сурати

БУГУННИНГ ГАПИ



ЁШЛИК ДАҲОСИ

БАРКАМОЛ АВЛОД СИЙРАТИ ВА ТИЙНАТИДА АКС ЭТСИН

Абдурауф Фитрат "Нажот йўли"да "Болалар ахлоқий тарбияни муҳитдан (яъни атрофдан) оладилар, бошқача қилиб айтганда, болалар сувга ўхшайдилар, сув идишнинг шаклини олганидек, болалар ҳам муҳитнинг одоб-ахлоқини қабул қиладилар", дейди.

Президентимиз Шавкат Мирзиёев ўз Мурожаатномасида: "Таълим сифатини ошириш — Янги Ўзбекистон тараққиётининг якка ягона тўғри йўлидир", "Биз жамиятимизда ҳар қандай радикаллашувга, ёшларимиз онгини бузгунчи ёт гоғлар билан захарлашга, диндан сиёсий мақсадларда фойдаланишга, маърифат ўрнини жаҳолат эгаллашига йўл қўймаймиз", дейди ва "Бунинг учун нафақат масъул ташкилотлар, балки барчамиз биргаликда муқаддас динимизнинг инсонпарварлик моҳиятини очиб бериш, фарзандларимизни миллий ва умумбашарий қадриятлар руҳида тарбиялаш

МЕҲРЛИ СИЁСАТ

ФАРЗАНДАРИМИЗГА ҚИЛГАН ҲАР БИР ЯХШИЛИГИМИЗ ЎН ЯХШИЛИК БЎЛИБ ҚАЙТАДИ

"Меҳрибонлик уйига қараганда оилада бошқача ҳис-туйғулар бўларкан. Ёнингда ота-онанг, тўғри йўл кўрсатадиган, сирларингни эшитадиган, яхши бўл, деб маслаҳат берадиган опаларинг бўлгани қандай яхши. Яна бирга ўйнайдиган укаларинг ҳам. Отажонимнинг ишдан келишини кутамиз, уй ишларида онажонимга қарашамиз. Энг ёққан — бувижонимнинг болалиги ҳақидаги ҳикояларни эшитиб уйқуга кетиш. Мен оиламни топганимдан жуда хурсандман...". Бу Меҳрибонлик уйида тарбияланган, айни пайтда Оилавий болалар уйида камолга етаётган 12 ёшли Маликанинг тилидаги ҳақиқатлар.

Дунёда энг тансиқ туғу — меҳр. Ота-она, ака-ука, опа-сингилли бўлиш, оилавий қадриятлар, ҳамжихатликда яқинларнинг меҳр булоғидан қониб улғайиш имтиёзига дунёдаги ҳар бир болажон ҳақли.

Давоми 5-бетда



Ҳаким Йўлдошев олган сурат.

МУҚОБИЛ ЭНЕРГИЯ

ҚУЁШ ТАФТИ, ШАМОЛ ШАШТИ ВА ИНСОН ШИЖОАТИ

Президентимизнинг вилоятларга ташрифи ҳар гал учрашувлар, очик ва самимий мулоқотларга бой бўлади. Бу ҳолат ўша ҳудуд аҳли учун том маънода катта имконият яратади. Чунки бундай сафарларда давлатимиз раҳбари нафақат янги лойиҳалар билан танишади, балки одамларни тинглайди, уларни ўйлантираётган муаммолар билан қизиқайди, мавжуд камчиликларга ечим топиб беради. Жумладан, шу йил 1 февраль куни Андижон вилоятига қилинган сафар ҳам бундан холи бўлмади: ташриф давомида Президентимиз томонидан қайта тикланувчи энергия манбаларини оммалаштириш ва аҳоли бандлигини таъминлаш чоралари бўйича йиғилиш ўтказилди.

Давоми 4-бетда











